

**ALKATETZA
DEKRETUA**

2020 000001930

Espediente-zenbakia: 2020/IDA_DEK0438**Xedea**

COVID-19a ugaltzeak eragindako osasun-alertaren aurrean, Lehendakariaren abuztuaren 15eko 17/2020 Dekretuaren ondorioz, emergentzia egoera aldarrikatzea.

Aurrekariak

Lehenengoa: COVID-19aren hedapenak eragindako osasun-alertak sortu dauen egoeraren aurrean, Lehendakariak, martxoaren 13ko 6/2020 Dekretua emon eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak bereganatzeko.

Bigarrena: COVID-19ak sortutako osasun krisia kudeatzeko Alarma Egoera ezartzen duen martxoaren 14ko 463/2020 Errege Dekretua onartu zan.

Hirugarrena: 2020ko ekainaren 9an, COVID-19ak sortutako osasun krisia aurre egiteko prebentzino, euspen eta koordinazino premiazko neurriak ezartzeko 21/2020 Errege Dekretu-legea onartu zan.

Laugarrena: 2020ko ekainaren 18ko Lehendakariaren 14/2020 Dekretuz, deseskaladarako 3. Fasea gaituztat eta, horrenbestez, alarma-egoeraren esparruan hartutako neurriak indargabetu eta "normaltasun berria" hastea onartu zan.

Bosgarrena: 2020ko ekainaren 18an, Osasun sailburuak, COVID-19ak eragindako osasun-krisialdiari aurre egiteko, Normaltasun Berrirako Trantsiziorako Planaren 3. fasea gaituztu eta gero, beharrezko prebentzio-neurriak buruzko Agindua emon eban.

Seigarrena: 2020ko uztailaren 28an, Osasun sailburuak, 2020ko ekainaren 18an emondako Aginduaren eranskina aldatzen dauen Agindua emon eban.

Zazpigarrena: 2020ko abuztuaren 14a, Segurtasun sailburuak, COVID-19 delakoaren hedapenaren ondoriozko osasun-alertak eragindako egoera dela eta, Euskadiko Babes Zibileko Plana, Larrialdiei Aurreiteko Bidea-Labi izeneko plana, formalki aktibatuzko Agindua emon eban.

Zortzigarrena: COVID-19aren hedapenak eragindako osasun-alertak sortu dauen egoeraren aurrean, Lehendakariak, 2020ko abuztuaren 15ean 17/2020 Dekretua emon



eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak beregatzeko.

Argudioak

Lehenengoa: COVID-19aren ugaltzeak sortutako osasun-alerta kudeatzeko, beharrezkoa da barriro be emergentzia egoera aldarrikatzea. Emergentzia egoeraren aldarrikapenak kontratazinoan, gastuaren kudeaketan eta giza baliabideen kudeaketan eukiko dau eragina, COVIK-19ak sortutako egoeragaz lotura zuzena daukeen kasuetan.

Emergentzia egoeraren aldarrikapenak Lehendakariaren 17/2020 Dekretua indarrean egon bitartean izango dau eragina.

Eta hori guztia, Sektore Publikoko Kontratuen 9/2017 Legearen 37.1, 39.2.b), 44.4, 120.1 eta 153.6 artikuluek bat. Eta baita be Bizkaiko Lurralde Historikoko Toki Entitateen Aurrekontuen ganeko 10/2003 Foru Arauaren 34. artikulugaz eta Estatutako Aurrekontu Orokorrak onartu ebazan 6/2018 Legearen 19.10.2 artikulugaz bat.

Bigarrena: Erabagia hartzeko ahalmenari jagokonez, Toki Entitateen Erregimenaren oinarriak onartzen dauzan 7/1985 Legearen 21.1.m) artikulua araber, alkateari jagoko, beti be Osoko Bilkureari erabagi horren barri emonda egiten dan lehenengoko batzarrean.

Erabagia

Hori guztia dala eta, honakoa erabagi dot:

LEHENENGOA: COVID-19a ugaltzeak eragindako osasun-alertaren aurrean, Lehendakariaren abuztuaren 15eko 17/2020 Dekretuaren ondorioz, barriro emergentzia egoera aldarrikatzea. Aldarrikapenak, 17/2020 Dekretua indarrean egon bitartean izango dau eragina.


BIGARRENA: Emergentzia egoeraren aldarrikapenak kontratazinoan, gastuaren kudeaketan eta giza baliabideen kudeaketan eukiko dau eragina, COVIK-19ak sortutako egoeragaz lotura zuzena daukeen kasuetan.

HIRUGARRENA: Udaleko sail guztieri erabagiaren barri emotea.

LAUGARRENA: Hurrengo Tokiko Gobernu Batzarrean eta Osoko Bilkurean Dekretuaren barri emotea.



Oharra: sinadurea eta data orri-oinan .

 <p>STEMMA PRODERI IN PRIMIS BERMEI</p>	<p>Agiri hau benetakoa dala udalaren egoitza elektronikoan egiaztatu ahal dozu.</p> <p>Kodea: 07E40004BBA200L8B1Y4R9K3M6</p>	<p>Sinadurea eta data</p> <p>ARITZ ABAROA CANTUARIENSE-BERMEOKO ALKATEA - 17/08/2020 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 17/08/2020 14:14:14</p>	<p>EXPEDIENTE :: 2020IDA_DEK0438</p> <p>Fecha: 24/03/2020 Lekua: Bermeon Erregistro unidatea: Erregistro nagusia</p>
-------------------------------------------------------------------------------------------------------------------------------	----------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------

